

SCRIPT OF MORNING GOJRI NEWS BULLETIN 28JULY 1015 HRS

مارننگ گو جری نیوز بلیٹن مورخہ 28 جولائی 2025

یوہ آکا شوانی جموں ہے محبوب سلطانہ تیں خبر سُنو۔

LS OP SINDOOR

آپریشن سندور ور لوک سبھا مانہ اچ گل بات ہوسکے اس بارے پارلیمانی امور گا وزیر کیرن ریجیو نے پہلاں توں ہی دسیو تھو جے پہلگام مانہ ہون آلا دہشت گردانہ حملہ تے اُس گا رد عمل مانہ بھارت کی طرفوں کی گئی کاروائی یعنی آپریشن سندور ور جاری مانسون پارلیمنٹ اجلاس مانہ گل بات ہو سکے جناب ریجی جو نے دسیو جے یوہ فیصلو لوک سبھا گا سپیکر اوم برلا کی صدارت مانہ کاروباری مشاورتی کمیٹی مانہ لیو گیو تھو۔

BUDHA AMARNATH YATRA

لیفٹیننٹ گورنر منوج سنہا تے اچ جموں گا بھگوتی نگر بنیادی کیمپ توں شری بڈھا امرناتھ یاترا گا پہلا جتھ نانہ حفاظت گ اکثر ا بنوبست مانہ جھنڈی دس گا روانہ کیو ہے آلی 13 تہاڑہ توڑی جاری رہن آلی اس یاترا گ اپہلاں جھتا مانہ 1 ہزار توں متا یاتریاں نے پونچھ گا لورن مانہ مقدس مقام در اپنو سفر شروع کیو ہے واضع رہ جے یاہ یاترا 9 اگست نانہ رکشا بندھن گا موقع ور اختتام وے گی اس ضمن مانہ تمام ضروری بندوبست کیا گیا ہیں تے منیو جارہیو ہے جے ہر سال کی طرح اس سال وی خاموش دیکھیو جے غو اس تیں پہلاں ایل جی موصوف نے یاترا کی افتتاحی تقریب مانہ شرکت کرگے عقیدت منداں گو خوش آمدید کیو۔

AMARNATH YATRA

لیفٹیننٹ گورنر منوج سنہا نیاج ذرائع ابلاغ گا نمائندہ سنگ گل کرتا واں دسیو ہے جے اس سال ہون توڑی شری امرناتھ جی یاترا پوری کرن آلا یاتریاں کی تعداد 3 لکھ 77 ہزار توڑی ہو گئی ہے انہاں نے یاتریاں گا اس زبردست رد عمل ور اطمینان گو اظہار کیو تے جموں کشمیر انتظامیہ کی طرفوں یاتریاں کی سہولت واسطے کی گئی کوششاں کی سراہنا وی کی اون گا اچ سویرا 59 گڈیاں گا قافلہ مانہ 1635 یاتری وادی کشمیر در روانہ ہویا ہیں جس مانہ 1033 مرد 286 خواتین 4 بچہ 32 سادھوتے 10 سادھوی شامل تھا۔

CM KU

وزیر اعلیٰ عمر عبداللہ نے معاشرہ نانہ بنان مانہ معیاری تعلیم گا اہم کردار ور زور پاتا مانہ کہیو جے کسی وی تعلیمی اداراں کی کامیابی گو اندازو اُس کی تھقیقی کارکردگی تے سابق طالب علمان کی کامیابیاں توں لایو جاسکے کشمیر یونیورسٹی گا کیمپس مانہ منعقدہ میگا میٹ المنیم یعنی سابق طالب علمان گا اجلاس 2 ہزار 25 سنگ خطاب کرتا مانہ ویزر اعلیٰ نے سابق طلبہ توں اپیل کی جے وے اپنا الما میٹر یعنی جس ادارا توں تعلیم حاصل کینانہ کُجھ واپس دے تے نوجوان نسل کی رہنمائی کرے انہاں نے کہیو جے تعلیم گو مقصد طلبہ نانہ رہنما تے معاشرہ گو فائدہ مند افراد بنانو ہونو چاہیے وزیر اعلیٰ نے کامیاب

سابق طالب علماں نانہہ اُن گى کاميابى ور مبارک باد دتى تے اداراں سنگ جڑيا رهن ور زور پايو۔

RANA GHARANA

ماحول دوست تے قدرتى تحفہ نانہہ فروغ دين واسطے اک بڑا قدم غے تحت وزير جنگلات جاويد احمد رانا نے جموں ضلع گا گھرانہ ويٹ لينڈ مانہہ اکو سٹاپ عمارت گو افتتاح کيو ہے انہاں نے اس نانہہ موحولياتى توازن گى علامت قرار ديتا وان کہيو جے يوه ويٹ لينڈ يعنى آبى دلدلى آلو علاقو دنيا بھر مانہہ پرندہ گا اک اہم علاقہ گا طورور جانيو جے وزير موصوف نے پرندہ دیکھن آلى جگہ تے معلوماتى بورڈ ز جيسا قدم گى تعريف کى جھڑو سيلانیاں گا تجربہ نانہہ بہتر بناوے گو انہاں نے کہى وجے وسطى ايشيا تے سينٹرل ايشيا توں ہجرت کرگے بارہيڈڈ گوز جيسو پرندو اس پر سکون علاقہ غو حصو بنو انہاں نے لوکاں تیں گزارش کى جے وے اس ماحولياتى خزانہ گى آن آلى نسلان واسطے حفاظت کرے واضع رہ جے اس ويٹلينڈ گو پچھلے سال 40 ہزارتوں متا سيلانیاں نے دورو کيو تھو۔

RAILWAY UNLOCKING SYSTEM

ريلوے گ جديد کارى در اک بڑو قدم چاتا وان جموں کشمير مانہہ پہلو براہ راست انلاکنگ گو نظام دينا نگر ريلوے سٹيشن جڑو کہ شمالى ريلوے گا جموں ڈویزن گے تحت آوے ور لايو گيو ہے يوه نظام پچھلا تہاڑے توں شروع ہو و ہے جھڑو ٹرين گى حفاظت ناہ بہتر بناوے گو کيونجے يوه نظام سيگنل تے پوئنٹ مشينيرى نانہہ براہ راست اپنا قابو مانہہ کرے گو جس سنگ انسانى غلطى گا امکان خاص کٹ ہو جين گا اس بارے مانہہ دویزنل ريلوے مينجر ويوک کمار نے دسيو جے ياه ٹيکنالوجى آپريشنل کارکردگى نانہہ نماياں طورور بہتر بناوے گى تے ٹريناں گى حرکت نانہہ وى بہتر بنان گو کم کرے گى۔ حادثاں گا خطرات نانہہ کہٹ کرن گے نال نال يوه نظام مسافراں واسطے محفوظ تے قابل بھروسا آلو سفر فراہم کرے غو۔

ANNOUNCEMENT

علاقائى خيراں آلو شعبو آکاشوانى جموں سوچھ سرویکشن گا موضوع ور 30 منٹاں گو خصوصى گل باتى پروگرام پيش کرے گو اس ضمن مانہہ ياه خصوصى نشريات منگلار آلا تہاڑے دو پھر 12 بج غے 30 منٹاں ور نشر کى جے گى اس پروگرام مانہہ مہمان خصوصى ڈاکٹر ديوانش يادو آلى اے ايس جھڑا کہ جموں ميونسپل کارپوريشن گا کمشنر وى ہيں وىں گا جھيڑا اس موضوع ور اپنا ماہر خيالات رکھيں گا جد کہ اس پروگرام گى ميزبانى مہارا ميزبان وجے بجاج تے ابھيلاشا شرما کریں گا۔

WEATHER

محکمہ موسميات نے جموں کشمير گا بکھ بکھ علاقان مانہہ گرمى ، نمى، تے بارش گا مليا جليا موسم گى پيش گوئى کى ہے اج توں 30 جولائى توڑى بجلى کڑکن گے نال نال ہلکى توں درميانہ درجہ گى بارش گى وى پيش گوئى کى گئى ہے جد کہ جموں ڈویزن گا گجھ علاقان مانہہ دير رات يا سرگى ويلے خاصى بارش ہو سکے اس ضمن مانہہ محکمہ نے تيز ہوا چلن اچانک سيلاب آن زمين کھسکن گا خطرہ گا پيش نظر وارنگ جارى کى ہے

اونگا 1توں 3اگست توڑی عام طورور گرمی نمی تے وقفہ وقفہ سنگ بارش گی پیشن
گوئی کی ہے۔
